

本草經疏輯要卷四

本草經疏輯要卷四目錄

草部下

麻黃

葛根 汁穀葉花

紫胡

升麻

羌活獨活

荊芥

防風

秦艽

白芷

藁本

細辛

紫蘇 子附

藿香

香薷

薄荷

前胡

鼠黏子 即牛蒡子

稀莨

水萍

天麻

釣藤鈎

黃連

連翹

黃芩

苦參

元參

枯樓根
即花粉樓實

知母

龍膽草

胡黃連

盧會

地榆

白頭翁

天名精
子名鶴虱

漏蘆

蒲公英

紫花地丁

藍寶
葉汁

青黛
染澱

大青

大薊
小薊葉

茅根

蘆根

青蒿

茵陳蒿

旋覆花

白前

馬兜鈴
土青木香

款冬花

桔梗

半夏

甘菊花

白藥子

夏枯草

木賊

白欬

昆布

貝母

紫苑

天南星

射干

山慈菰

穀精草

忍冬即金銀花

黃藥子根

威靈仙

百合

百部

白附子

山豆根

馬勃

決明子

白及

海藻

白蘚皮

萆薢

蒼耳子

茜根

蒲黃

劉寄奴

木通

車前子
葉

蓖麻子
葉

葶藶

防己

絡石

剪草

苧麻根

瞿麥

通草

燈心草

常山

牽牛

土茯苓

木蓮葉

紫草

王不留行

海金沙

澤瀉

貫衆
花

藜蘆

續隨子
即千金子

鬼臼

甘遂

番木鱉

芫花

羊躑躅
即開楊花

大戟

木鱉子

本草經疏輯要卷四

海虞後學吳世鎰懷祖纂

草部下

去根節蜜
炎發汗根
節止汗一
物兩性也

麻黃味苦溫微溫無毒主中風傷寒頭痛溫瘧發表出汗去邪熱
氣止欬逆上氣除寒熱破癥堅積聚五臟邪氣緩急風脇痛字乳
餘疾止好唾通腠理解肌洩邪惡氣消赤黑斑毒不可多服

麻黃稟天地清陽剛烈之氣氣味俱薄輕清而浮陽也升也手
太陰肺經之藥入足太陽膀胱經兼走手少陰心手陽明大腸
經潔古云去營中寒邪洩衛中風熱輕可去實療傷寒為解肌

第一多服令人虛走散真元之氣故也

仲景治傷寒有麻黃

湯大小青龍湯治肺病有射干麻黃湯厚朴麻黃湯治少陰病

發熱脈沉有麻黃附子細辛湯麻黃附子甘草湯同石膏杏

仁桑白皮甘草治寒邪鬱於肺經以致喘滿欬嗽同桂可治

風痺冷痛蜜炒麻黃治冬月痘瘡為風寒所鬱以致倒靨喘

悶一服立解其性輕揚善發表最速若表虛自汗陰虛盜

汗肺虛有熱多痰咳嗽以致鼻塞痘瘡倒靨不因寒邪所鬱而

因熱甚虛人傷風氣虛發喘陰虛火炎以致眩暈頭痛南方中

風癰瘰及平日陽虛腠理不密之人皆禁用汗多亡陽能損人

毒戒之戒之春深夏月以至秋初法所同禁

葛根味甘辛平無毒主消渴身大熱嘔吐諸痺起陰氣解諸毒療
傷寒中風頭痛解肌發表出汗開腠理療金瘡止脇風痛生根
汁大寒療消渴傷寒壯熱 葛穀主下痢 葉主金瘡止血花
主消酒

葛根稟天地清陽發生之氣氣味俱薄輕而上行陽中陰也徐
用誠曰其用有四止渴解酒散表透瘡癰也生者能墮胎蒸熟
止血痢東垣曰其氣輕浮鼓舞胃氣上行生津液治脾胃虛弱
泄瀉聖藥入足陽明經散陽明溫病熱邪要藥也 葛根升麻

湯治斑癰初發點粒未形 同升麻入升陽散火湯升陽除溼

同一切補腎益精藥作丸餌則起陰令人有子 傷寒頭痛

兼項強腰脊腰痛及遍身骨疼者足太陽也邪未入陽明故無

渴證不宜服五勞七傷上盛下虛之人暑月雖有脾胃病不宜

服斑癰已見紅點不宜用恐表虛反增斑爛也慎之

柴胡味苦平無毒主心腹腸胃中結氣飲食積聚寒熱邪氣推陳

致新除傷寒心下煩熱諸痰熱結實胸脇痛平肝膽五臟間遊氣

大腸停積水脹及溼痺拘攣亦可作浴湯

柴胡稟仲春之氣兼地之辛味氣味俱輕升也為少陽經藥能

引胃氣上行苦辛能散表熱之品也

仲景小柴胡湯治傷

寒往來寒熱又治少陽經似瘧非瘧在大柴胡湯治傷寒表

裏俱急在東垣補中益氣湯治元氣勞傷精神倦怠引脾胃

之氣行陽道同四物湯去當歸加澤蘭益母草青蒿能治熱

入血室同升麻葛根能升陽散火同生地黄槲黃連甘草

甘菊元參連翹羌活荆芥穗治暴赤眼性升發散病屬虛而

氣升者忌之嘔吐及陰虛火熾炎上者法所同忌瘧非少陽經

者勿用治瘧必用柴胡其說誤甚不可久服按柴胡有二種色

白黃而大者為銀柴胡治勞熱骨蒸色微黑而細者以解表發

散本經無分別但云銀州者為最則知其優於升散而非除虛熱之藥明矣衍義所載甚詳故表而分之

升麻味甘苦辛微寒無毒主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒癘頭痛寒熱風腫諸毒喉痛口瘡

升麻稟天地清陽之氣氣味俱薄浮而升陽也為脾胃引經的藥升陽氣於至陰之下東垣曰引葱白散手陽明風邪引石膏止陽明齒痛人參黃耆非此引之不能上行也得葱白白芷緩帶脉之縱急同生地石膏麥冬知母丹皮黃芩連翹元參

噤痢

治陽明經齒痛 醋炒升麻君蓮肉人參治噤口痢有神 同

石膏知母麥冬竹葉治陽明證熱極發斑頭疼口渴 同荊芥

防風黃芩甘草白芷能去皮膚風邪 同葛根荊芥菊花甘草

解肌肉間風熱兼發浮汗 同葛根連翹元參甘草生地麥冬

治牙根浮爛惡臭 佐黃連紅麴滑石芍藥蓮肉甘草為治一

蠱毒

切滯下要藥 同鬱金服治蠱毒不吐則下 同射干水煎服

射干溪毒

治射干溪毒并以滓塗之 同生地麥冬牛膝蒲黃水煎治小

兒尿血 性主升發凡小兒斑癰痘瘡未見點時可用見標之

後不可用並吐血鼻衄咳嗽多痰陰虛火動腎經不足及氣逆

嘔吐驚悸怔忡癲狂等病法咸忌之誤用多致危殆

羌活獨活味苦甘辛平微溫無毒主風寒所擊金瘡止痛奔豚癰
瘰女子疝瘕療諸賊風百節痛風無問久新

羌活稟天地正陽之氣氣厚於味浮而升降也為足太陽行經
風藥獨活氣味俱薄浮而升陽也為足少陰引經之藥並入足
厥陰少陰經氣分羌活氣雄獨活氣細雄者治足太陽風溼相
搏頭痛肢節痛一身盡痛者非此不能除乃卻亂反正之君藥
也細者治足少陰伏風頭痛兩足溼痺不能行動非此不能除
皆能逐風勝溼散肌表八風之邪利周身百節之痛二藥本非

二種但質有虛實老嫩氣有厚薄不同耳 同麻黃甘草主冬

月即病傷寒太陽經頭疼發汗解表 同前胡黃芩麥冬甘草

治春時瘟疫邪在太陽頭痛 入葛根湯治太陽陽明痛頭兼

遍身骨痛口渴煩熱不得眠若渴煩頭痛甚加石膏知母竹葉

瘧發太陽經頭痛者於治瘧藥中加之痛止則去之 同白朮

蒼朮秦艽生地薏苡仁木瓜石斛黃蘗治下部一切風溼溼熱

同生地赤芍丹皮石膏甘草等水煎治風熱上攻牙腫痛

此陽草中之風藥也為祛風散寒除溼之要品如血虛頭痛及

遍身痛骨痛因而帶寒熱者此屬內證誤用反劇

反驢肉
無鱗魚

荊芥味辛溫無毒主寒熱鼠瘻癰瘰癧生瘡破結聚氣下瘀血除溼痺

陽明熱狂

立蘇血暈

大便下血

產後血暈

荊芥得春氣善走散升也陽也春氣升風性亦升故上行頭目
肝主風木故能通肝氣行血分能祛血中之風好古為肝經氣
分之藥能搜肝風時珍云其功長於祛風散血破結氣消瘡毒
為風病血病瘡病之要藥得白頸蚯蚓同搗取汁解陽明經
熱病汗出立已得童便調服立蘇血暈同槐花炒焦為末
茶下三錢治大便下血獨用炒為末童便調服二錢治產後
血暈築心眼倒風縮昏迷不醒手足癱瘓如角弓或四肢強直

口噤及吐瀉欲死神效雖齧噤可灌入鼻中得此證者十存一
二而已 病屬表虛有汗者忌之血虛寒熱而不因於風寒溼
者勿用陰虛火炎面赤因而頭痛慎勿誤投

防風味甘辛溫無毒主大風頭眩痛惡風風邪目盲無所見風行
周身骨節疼痛煩滿脇痛風頭面去來四肢攣急字乳金瘡內瘰

防風稟天地之陽氣氣厚味薄升也陽也手足太陽經本藥又
為足少陽厥陰經氣分之風藥 同黃耆芍藥則實表止汗

同荊芥白芷生地榆黃耆治破傷風有神 同甘草桔梗紫

蘇桑白皮杏仁橘皮解利傷風去紫蘇換薄荷加石膏兼除風